



Pou Biblikasyon Imedya: 11/06/2023

GOUVÈNÈ KATHY HOCHUL

**GOUVÈNÈ HOCHUL ANONSE 20 MILYON DOLA ENVESTISMAN POU CENTRO:  
SANT POU ETID PÒTORIKÈN YO NAN CITY UNIVERSITY OF NEW YORK**

*Envestisman pral ede CENTRO rekrite ak kenbe talan nan El Barrio*

*Gouvènè anonse gwo envestisman apre patisipasyon nan 66èm Defile Jounen  
Nasyonal Pòtoriken an nan Manhattan*

Gouvènè Kathy Hochul te anonse jodi a Eta New York pral fè yon envestisman 20 milyon dola pou CENTRO, Sant pou Etid Pòtorikèn (Center for Puerto Rican Studies) yo nan (City University of New York, CUNY). Y ap itilize envestisman an pou elají bibliyotèk ak achiv yo nan CENTRO nan El Barrio, bëso kominate Pòtoriken an nan Vil New York. Gouvènè Hochul te anonse gwo envestisman sa a apre patisipasyon li nan 66èm Defile Jounen Nasyonal Pòtoriken an nan Fifth Avenue nan Manhattan.

"Pandan anpil jenerasyon, Nouyòkè ki gen orijin Pòtoriken yo se yon pati enpòtan nan tisi kiltirèl eta nou an", **Gouvènè Hochul te deklare**. "Nou fyè dëske n ap fè envèstisman solid ki pral pèmèt Sant Etid Pòtoriken an elají ak pwospere - sa k ap fè El Barrio yon kote ki pi enteresan pou travay, aprann ak viv."

Kounye a l ap selebre 50èm anivèsè li, CENTRO se pi gwo enstiti rechèch ki baze sou inivèsite, bibliyotèk ak achiv ki dedye ak eksperyans Pòtoriken nan Etazini. Nouvo envestisman 20 milyon dola a pral mete CENTRO anba yon twati nan yon espas ki fèk elají ki mezire apeprè 17,000 pye kare. Envestisman sa a pral itilize pou konsolide CENTRO apti de lokal: Kanpis Prensipal Hunter College la ak batiman Lekòl Travay Sosyal Hunter College Silberman lan nan 2180 3rd Avenue nan East Harlem nan yon anpent elají nan Silberman Building. Sit ki fèk renove a pral asire CENTRO rete nan El Barrio, ki se yon katye kote plis pase 20,000 Nouyòkè ki gen orijin Pòtoriken te bati lavi yo.

Anprend ki fèk elaji a pral bay CENTRO yon espas achiv ak bibliyotèk ki elaji anpil, ki vize pou ranfòse achiv CENTRO yo nan istwa ak kilti Pòtoriken epi pèmèt CENTRO, pi gwo enstiti rechèch ki baze sou inivèsite, bibliyotèk, ak achiv ki dedye ak eksperyans Pòtoriken yo nan Etazini, pou li vin yon lidè nan nimerizasyon. Lè yo gen yon espas ki pi gwo, ki modènize, sa ap pèmèt CENTRO rekrite ak pote plis talan tou. Nouvo espas sa a pral gen ladan tou yon espas egzibisyon modèn kote CENTRO ka kontinye founi aktivite kiltirèl ak kominotè.

Envestisman sa a ajouse sou dènye envestisman Gouvènè Hochul te fè nan Enstiti Eta New York pou Rechèch ak Politik Entegrasyon Imigrasyon, ki te anonse an 2022. Enstiti sa a, ki chita nan Enstiti Gouvènman Rockefeller (Rockefeller Institute of Government), gwooup refleksyon sou politik piblik Inivèsite Eta New York (State University of New York, SUNY) la, vize pou bay rechèch ak atansyon ki nesesè anpil sou pwoblèm imigrasyon nan New York ak atravè mond lan.

Sa a se dènye efò Gouvènè Hochul ap fè pou sipòte pèp Pòtoriko an ak kominate Pòtoriken k ap pwospere nan New York la. Gouvènè Hochul te bay yon repons solid fas ak Siklòn Fiona, ki gen ladann deplwaye 65 manm nan Lapolis Eta New York pou ede nan efò sekou yo ak livrezon dè dizèn milye liv pwodui fre ak dlo nan boutèy bay Banco de Alimentos de Puerto Rico. Li te fè patenarya ant New York ak Pòtoriko sou pwoblèm tankou enèji solè ak swen sante mantal. Gouvènè a te vizite tou Pòtoriko souvan - ki enkli nan premye 100 jou li te antre an fonksyon - epi li te rankontre ak anpil lidè lokal tankou Gouvènè Pedro Pierluisi ak plizyè Lejislatè Eta ak ofisyèl minisipal yo.

**Reprezantan Nydia Velázquez, te deklare**, "Envestisman ki pote transfòrmasyon Gouvènè Hochul fè nan Sant pou Etid Pòtorikèn nan CUNY se yon temwayaj sou angajman li pou ekipe kominate yo ak selebre divèsite kiltirèl. Atravè envestisman sa a, nou pral pi byen kapab rekrite pi gwo talan nan El Barrio epi anrichi rechèch, edikasyon, ak konpreyansyon kiltirèl pou jenerasyon k ap vini yo."

**Rektè CUNY an, Félix V. Matos Rodríguez te deklare**, "Soti nan El Barrio pase San Juan rive Philadelphia, Orlando ak Chicago, envestisman jenere sa a pral elaji kapasite CENTRO pou sèvi kòm yon fil kondiktè enpòtan ki konekte eksperyans entelektyèl, sosyal, politik ak kiltirèl k ap evolye nan kominate Pòtorikèn yo toupatou. Nou rekonesan anvè Gouvènè Hochul pou rekonesans CENTRO sa a paske li make 50 ane pyonye li epi paske l ap ankre davantaj travay enpòtan li nan yon East Harlem ki dinamik."

**Direktè Centro a, Yarimar Bonilla, te deklare**, "Nou bat bravo pou Gouvènè Kathy Hochul pou devouman enkondisyonèl li pou enklizivite ak divèsite. Envestisman

enpòtan 20 milyon dola li nan CENTRO pral pèmèt rechèch revolisyonè, angajman kominotè, ak defans, pou asire wòl enpòtan Sant Ian nan pwomouvwa istwa, kilti ak kontribisyon Pòtoriken nan Vil ak Eta New York."

**Sekretè Deta a, Robert J. Rodriguez, te deklare**, "Sant pou Etid Pòtoriken nan Hunter College se yon enstitisyon inik ki dedye a prezève kilti ak tradisyon eksperyans Pòtoriken nan Etazini. 20 milyon dola yo ap bay Centro a pral katalizè pou ede elaj misyon li pou rakonte istwa enpòtan Pòtoriken yo ak kontribisyon yo nan peyi nou an. Anons sa a mete aksan sou angajman Gouvènè Hochul ak konpreyansyon lyen sere ant pèp Eta New York la ak Pòtoriko."

**Senatè Eta a, Luis Sepúlveda te deklare**, "Mwen trè onore dèske m te travay ansanm ak lidèchip Gouvènè Kathy Hochul pou garanti yon envestisman 20 milyon dola pou CENTRO, Sant pou Etid Pòtorikèn yo nan City University of New York. Sa a se yon okazyon enpòtan pou kominote Pòtoriken an nan Eta New York. Envestisman sa a pral non sèlman elaji bibliyotèk ak achiv yo nan CENTRO, men tou ekipe òganizasyon an pou rekrite ak kenbe pi gwo talan nan El Barrio. Angajman Gouvènè Hochul pran pou sipòte kilti ak istwa Pòtoriken an louwab, epi envestisman sa a rive nan yon moman pafè, anvan 66èm Parad Anyèl nan kad Jounen Pòtoriken an. Se yon moman fyè pou kominote nou an, epi mwen voye felisitasyon sensè mwen bay Gouvènè Hochul pou devouman li anvè kominote Pòtoriken an nan New York."

**Manm Konsèy la, Diana Ayala te deklare**, "Kòm yon fyè reprezantan El Barrio ak yon konpatriyòt Pòtoriken, mwen eksprime rekonesans sensè mwen bay Gouvènè Hochul pou envestisman ekstrawòdinè li ki se 20 milyon dola nan Sant pou Etid Pòtorikèn yo nan City University of New York. Finansman enpòtan sa a pral ekipe kominote nou an, prezève eritaj nou an, epi bay opòtinite ki gen anpil valè pou aprann sou eksperyans Pòtoriken an nan Etazini, ki tèlman sou kè mwen."

**Nilda Ruiz, Prezidan Agenda Pòtoriken Nasyonal la, te deklare**, "Envestisman remakab 20 milyon dola Gouvènè Kathy Hochul fè nan CENTRO reprezante yon afimasyon retantisan nan kad kontribisyon Pòtoriken yo nan tisi New York la. Nou felisite li paske li rekonèt enpòtans pou konsève istwa pataje nou an, amelyore opòtinite edikatif, ak pwomouvwa ekite sosyal atravè inisyativ ki gen anpil valè sa a."

**Lillian Rodriguez, Prezidan Defile Jounen Nasyonal Pòtoriken an, te deklare**, "Pandan kominote nou an ap reyini ansanm pou selebre eritaj Pòtoriken nou an pou 66èm ane a, nou rekonesan anpil anvè Gouvènè Hochul pou envestisman kontinyèl li nan katye, eritaj ak kilti nou an."

**Frankie Miranda, Prezidan ak Direktè Egzekitif Jeneral, Federasyon Latino-Ameriken (Hispanic Federation) te deklare**, "Nan non Federasyon Latino-Ameriken an ak plis pase 600 patnè ak manm nou yo, nou remèsye Gouvènè Kathy Hochul pou lidèchip vizyonè li ak angajman I pou sipòte Sant pou Etid Pòtorikèn yo. Envestisman 20 milyon dola li pral pèmèt rechèch, edikasyon, ak prezèvasyon kiltirèl, ankouraje pi gwo konpreyansyon ak apresyasyon eritaj Pòtoriken ki te defini katye a pandan anpil jenerasyon."

###

Lòt nouvèl disponib sou sit [www.governor.ny.gov](http://www.governor.ny.gov)  
Eta New York | Chanm Egzekitif | [press.office@exec.ny.gov](mailto:press.office@exec.ny.gov) | 518.474.8418

[ANILE ENSKRIPSYON OU](#)